

通

鑑

注

辯

正

注書之難久矣杜征南顏祕書世稱左班功四庫全書過刊其誤者猶時有之非後人之輕議古人也通鑑同求其是而已矣竹江先生熟於金史正史之外獨愛溫公通鑑謂天台胡氏注援引詳贍最有功於是書亦不能無千慮之失因摘其尤甚者辯而正之得百有四十餘條置巾箱中未嘗出以示人也宙襄於撰杖之暇受而讀之乃知梅磻以地理名而䟽踳處殊不少如漢建安之益州郡在南中非僑治成都郭下晉咸和之東海郡僑治京口非海虞歐令貴刺南郢州在今隨州非東魏之南郢魯天念克黃城在今黃陂縣非淮北之黃

城梁二十三州當舉訶桂霍不當數宛冀秦揚州二郡
河中七郡荊州四郡豫州四郡晉史歷歷可據而注妄
以意揣之非先生剖析精到必且疑誤後學至於聲音
文字職官氏族偶舉一隅良多啓悟讀胡氏注者兼諱
是編庶無偏信之失乎爰鐫諸木以貽同好者壬子十
月元和受業生戈宙襄

通鑑注辯正卷一

嘉定錢大昕

周安王二十五年注攷異自魯僖公五年至漢元帝初元二年六百餘年閒十一月朔旦冬至相距皆七十六年此最爲得實又與魯世家注皇甫謐所記歲次皆合蓋謂劉歆叟長歷也 按攷異所稱本志謂漢書律歷志也漢志又本之劉歆三統術胡氏以爲劉義叟長歷誤矣歆叟當作義叟後條同

注漢武帝太初元年初用夏正定歷史記歷書是年書閏逢攝提格目錄書疆圉赤奮若閏逢攝提格甲寅

也彊圉赤奮若丁丑也有二十四年之差溫公用蔡
斐歷邵康節皇極經世書亦用蔡斐歷按太初之
元歲在丁丑見於續漢志自後漢以來初無異說豈
待劉義斐邵堯夫始定乎劉氏長歷推秦漢以來朔
閏精密故溫公用之若干支紀年史策分明無勞推
算也史記所稱閏逢攝提格者則主太陰所在而言
古人紀歲或用太陰或用太歲元有兩法而太歲又
有超辰之法後漢術家始專用太歲又去超辰不用
故于太初之元聚訟紛如予於史記攷異中嘗詳論
之

顯王十年令民爲什伍而相收司連坐注康曰司猶管也爲什伍之法使之相司相管予謂司與伺同周禮師氏注司猶察也

三十六年攻異曰史記蘇秦傳秦兵不敢闕函谷關十五年又云秦使犀首欺齊魏與共伐趙蘇秦去趙而從約皆解齊魏伐趙敗從約止在明年耳秦本紀惠文王七年公子卬與魏戰虜其將龍賈後二年事耳烏在其不闕函谷十五年乎此出於游談之士誇大蘇秦而云爾今不取按張儀說楚王云秦所以不出兵函谷十五年以攻齊趙者陰謀有吞天下之心

其說趙王亦云大王收率天下以賓秦秦兵不敢出
函谷關十五年則當時果有此事非誇大之詞也蘇
秦從約之成在趙肅侯十八年又十五年則趙武靈
王之九年也是歲張儀始以連衡說魏此十五歲之
中秦惟出兵攻魏間一擊韓不聞及它國迨五國擊
秦之師不勝在趙武靈王八年而後張儀得以說破之則合
從固有成效謂蘇秦去趙而從約皆解亦未盡狀也
龍賈之禽攷異云在後二年而通鑑善於是年從約
未成之前則已彌縫其關矣張儀說趙王事在赧王
四年通鑑於秦兵不敢出函谷關十五年一語亦未

剛去與攷異意不甚合

赧王四十五年許歷請刑趙奢曰胥後令邯鄲注胥語
絕許歷請刑趙奢令其且待也敢諫者死邯鄲之令
耳今既進軍近關與矣許歷之諫因在邯鄲之後不
當用邯鄲之令以殺之故曰後令邯鄲 按小司馬
改邯鄲爲欲戰屬下句固出臆斷注以後令邯鄲爲
句亦曲愚意胥後令邯鄲五字當作一句讀邯鄲趙
王所都言當待趙王之令也

初魏人范雎注雎音雖 按史記索隱正義於雎字無
音依注讀則字當从目旁攷武梁祠畫象作范且且

與睢同字宜从且不从目矣古人名且者甚多如穰
且豫且龍且夏無且之類皆讀子余切范睢唐睢亦
宜同此音刊本作睢蓋轉寫譌潤注讀爲睢失之甚
矣

五十六年秦遣使謂趙王曰不得齊首吾不出王弟於
關 按前書趙惠文王薨子孝成王立至是已七年
矣平原君爲惠文王之弟於孝成爲叔父惠文已歿
不當娶稱王弟此溫公偶失檢照注亦未能糾正也
范雎在秦用事已久此誘執平原君事必在惠文之
世通鑑因有虞卿葉相印與魏齊偕亡之語故繫之

此年恐未可信

秦始皇二年庶公將卒攻卷注索隱曰庶邑名庶公史失其姓名按古有庶姓此庶公當是姓史失其名耳漢有涿郡太守庶次公樂安相庶季公見孔廟禮器碑

九年舍人嫪毐注師古曰嫪居蚪翻許慎耶到翻按說文之時未有翻切今本乃徐鉉依唐韻增入非許君意也

二十四年虜楚王負芻以其地置楚郡注秦三十六郡無楚郡此蓋滅楚之時暫置耳後分爲九江鄣會稽

三郡 按史記楚世家有滅楚名爲楚郡之文故通鑑從之其實秦未嘗置楚郡也秦始皇父名楚當時稱楚爲荆豈有轉以名郡之理孫檢云滅去楚名以楚地爲三郡其說是也史記楚郡之楚蓋衍字後人因此謂三十六郡之外有楚郡固謬胡氏謂暫置而後分亦非也

二十八年乃西南渡淮水之衡山南郡注班志衡山在長沙國湘南縣之東南 按始皇出彭城西南渡淮水先至衡山次至南郡則非湘南之衡山矣項羽封吳芮爲衡山王都邾漢文帝封淮南王長子勃爲衡

一山王都六秦漢時稱衡山者皆指江北淮南之地
漢高帝五年田橫懼誅與其徒屬五百餘人入海居島
中注史記正義曰海州東海縣有島上去岸八十里
按北史楊愔避讒東入田橫島是島因橫居之而得
名 陳景雲曰杜佑通典亦云東海縣田橫所保鬱
洲亦曰郁洲是唐人皆以橫所居島爲在海州胡注
既引史記正義又引楊愔事似愔亦嘗匿此地矣按
北齊書及北史皆云愔潛之光州東入田橫島齊神
武令光州刺史搜訪以禮發遣魏之光州於隋爲東
萊郡隋志云東萊郡卽墨縣有田橫島是愔匿卽墨

海島史文明甚若海州之地此時屬蕭梁惜不得越

境至此也則田橫所居島當以三史爲是

大昕案梁大同元年

楊惜逃於田橫島注引東萊郡卽臺縣之田橫島此爲得之

高后七年立平昌侯太爲濟川王注濟川卽濟南濟北之地蓋割齊封之按高后元年割齊之濟南郡爲呂國呂產徙王梁而太代王其地濟川與呂本一國非至是始割齊封之也

八年呂王產居南軍呂當作梁下文云以呂王產爲相國亦當作梁注未舉正

文帝二年歲惡不入請賣爵子注請賣爵子猶言請爵

賣子也入粟得以拜爵故曰請爵 予謂注說非也
漢時民賜爵至公乘而止爵過公乘得移與子若同
產同產子有罪得以爵贖貧者得賣與人如淳漢書
注謂賣爵級又賣子者蓋得其實胡氏未達漢制臆
造此說

十六年白石侯雄渠注班志金城郡有白石縣正義曰
白石故城在德州安德縣北二十里 按金城郡昭
帝所置漢初尙在塞外雄渠爲齊悼惠王之子所封
當在齊地正義得之

陽周侯賜注陽周縣屬上郡 按注所據者小司馬索

隱之文今史記作周陽正義引括地志云周陽故城在絳州聞喜縣東二十九里予謂淮南王子三人同時封侯阜陵東城皆淮南故地則周陽亦當在淮楚之間不特非上郡之陽周亦恐非河東之周陽也

元狩元年夫吳王王四郡注四郡東陽郡鄣郡吳郡豫章郡按漢書五行志亦云吳王濞封有四郡五十餘城四郡者東陽鄣吳會稽也豫章郡別屬淮南國不在吳濞封內注家以史有削吳豫章郡之文并數豫章不知當時所削者鄣郡非豫章史衍豫字耳漢初吳與會稽實是兩郡灌嬰傳破吳郡長吳下遂定

吳豫章會稽郡是會稽之外更有吳郡矣史或爾三郡者吳卽會稽所分言吳可以包會稽也

元封三年左將軍使右渠子長降相路人之子最注師古曰路人先已降漢而歿於道故謂之降相按降字當連上句長降者右渠子名也史記功臣表作長路路始落切與降聲相近小顏說非是

六年岑娶代立爲昆彌注班史云昆莫王號也名獵驕靡後書昆彌云顏注曰昆莫本是王號而其人名獵驕靡故書云昆彌昆取昆莫彌取驕靡彌靡音有輕重耳後遂以昆彌爲王號按昆莫昆彌一聲之轉

譯字雖異名號未改非取王名之一字而沿以爲號也

元平元年願將軍詳大義參以著龜卜其宜與不宜也 按豈宜二字當連下褒顯爲句注誤

竟寧元年貢薛韋匡迭爲宰相注師古曰貢禹薛廣德韋元成匡衡迭互而爲丞相也 按貢禹薛廣德皆御史大夫非丞相漢以御史大夫爲副相故亦有宰相之稱注云丞相則誤矣

永始元年於是左將軍辛慶忌右將軍廉褒光祿勳琅

邪師丹太中大夫谷永注四人皆中朝官 按孟康
以大司馬左右前後將軍侍中常侍散騎諸吏爲中
朝則光祿勳太中大夫不在中朝官之列而師丹谷
永得稱中朝者光祿勳掌宮殿掖門戶於九卿中最
爲親近昭宣以後張安世蕭望之馮奉世辛慶忌皆
以列將軍兼之楊惲孔光皆以光祿勳加諸吏王嘉
傳亦以光祿勳馬宮列於中朝又其證也谷永以太
中大夫而與議者以加給事中也給事中掌顧問應
對孔光罷相後徵拜光祿大夫給事中而自稱備內
朝臣與聞政事則給事中爲中朝信矣

建平四年契國威器共其家備注李奇曰契缺也晉灼
曰契取也師古曰李說是 按契與挈同非契缺之
義晉說近之

始建國三年并州平州尤甚注此時未有平州漢末公
孫度自號平州牧魏始分幽州置平州平字誤 按
西河郡有平周縣周與州古字通用路博德傳西河
平州人卽平周也西河本屬并州故云并州平州非
遼東之平州也

諸生千人以上入勝里致詔注龔勝楚人史逸其所居
縣 潛邱劄記云勝本傳末云勝居彭城廉里是史

不獨載所居縣且標名其里胡氏胡未之攷耶

更始二年西防賊帥山陽使彊注賢曰西防縣名攷兩
漢志無西防縣 按前漢志山陽縣有西陽縣疑是
西防之譌

建武三年帝自將征鄧奉至堵陽注杜佑曰唐州方城
縣漢堵陽縣應劭曰堵陽景帝改爲順陽二說不同
按兩漢志皆有堵陽縣哀帝改順陽爲博山以封
孔光後漢復爲順陽故續志有順陽又有堵陽初無
改堵陽爲順陽之事其誤始于水經注而史記正義
因之應劭本無此說也

建武五年帝至蕃賢曰蕃音皮 古人讀皮如婆詩番
維司徒古今人表作司徒皮左氏牛則有皮與多那
韻縱其有皮與何韻是其證也既夕禮設披今文披
爲藩蓋蕃藩皆有婆音

永平三年封皇子建爲千乘王注郡國志高帝以西平
昌置千乘郡 按西平昌縣屬平原郡與千乘本非
一地今郡國志以西平昌三字錯入樂安國注中乃
刊本之誤據此注則宋板已然梅磻亦不能訂正也
永元二年紹封故淮陽頃王子側爲常山王注章和元
年淮陽頃王昞薨未及立嗣而國有大喪今乃紹封

晦之日注說非也。朐蕩以無子國絕至是始以小子紹封乃特恩也。若果例得襲封當年卽應嗣爵雖國有大喪何至遲至三年之久耶。

延熹二年將使元黃改色鹿馬易形乎。按元黃改色亦趙高事。鄭注禮器云秦二世時趙高欲作亂或以青爲黑黑爲黃民言從之是也。注以元黃改色爲天地顛倒失其情矣。

建安十二年經白檀歷平崗涉鮮卑庭。注白檀縣屬右北平郡。宋白曰白檀故城在檀州燕樂縣界。按漢志白檀縣屬漁陽郡非右北平也。水經注濡水東南

流逕漁陽白檀縣故城北濡水今灤水也白檀爲灤
水所經當在今古北口外灤河之濱非唐之檀州也
矣後漢省白檀縣元魏復置縣爲密雲郡治而郡實
治提攜城則白檀亦治提攜非漢故縣矣宋白所
亦後魏之故城耳平崗卽平剛漢縣屬右北平郡胡
氏亦失注

十九年以軍師中郎將諸葛亮爲軍師將軍益州太守
注此益州太守非漢武帝所開置之益州郡也武帝
所置之益州劉蜀爲南中地蓋劉璋置益州太守與
蜀郡太守竝治成都郭下 按益州太守無與蜀郡

守竝治成都之事亮亦未嘗爲益州太守注殆誤也
下文云南郡董和爲掌軍中郎將竝署左將軍府事
此益州太守當連下讀蓋董和之官也蜀志董和傳
遷益州太守與蠻夷從事務推誠心南土信而愛之
此益州卽南中之證也傳又云先主定蜀徵爲掌軍
中郎將與軍師將軍諸葛亮竝署左將軍大司馬府
事此和自益州太守徵還與亮竝署軍府事之證也
胡氏誤以益州太守四字屬上句遂臆造此說

二十年觀兵于吳會注吳會謂吳地爲一都會會讀如
字一說吳會謂吳會稽二郡之地會音工外翻

謂後說是也。范成大吳郡志云：世多稱吳門爲吳會，意謂吳爲東南一都會也。自唐以來已然，此殊未隱。今客館有吳會亭，尤誤。天下都會之處多矣，未有以其地名冠于會之一字而稱之者。吳本秦會稽郡，後漢分爲吳會稽二郡。後世指二澗之地，通稱吳會，謂吳與會稽也。諸葛亮曰：荊州北據漢沔，西通巴蜀，南連吳會。謂北則漢與沔，西則巴與蜀，南則吳與會稽。指兩地爲說，南連吳會，通言二澗江南之形勢，豈謂荊州獨連吳門一郡乎？莊子釋文：澗，江注云：浙江。今在餘杭郡。後漢以爲吳會分界，今在會稽錢塘，其云

分界則言兩地尤明褚伯玉吳郡錢塘人隱居剡山
齊太祖卽位手詔吳會二郡以禮迎遣此証尤明六
朝時亦有下吳會二郡各造船若干者如此類甚多
施宿會稽志云按三國志謂吳郡會稽爲吳會二郡
張紘謂收兵吳會則荆揚可一係賁傳云策已平吳
會二郡朱桓傳云使部伍吳會二郡全琮傳云分丹
陽吳會三郡險地爲東安郡是也前輩讀爲都會之
會殆未是據此二志則吳會爲兩郡名信而有徵近
儒又引漢書吳王濞傳上患吳會輕悍以爲漢初元
有此名如曰吳都云爾然今本史記漢書吳會下本

有稽字且漢初本有吳郡灌嬰傳度江破吳郡長吳
下得吳守遂定吳豫章會稽郡吳豫章皆不在秦三
十六郡之數當是項氏所置卽使溲傳云吳會亦是
兩郡名之證豈取都會之義乎

魏太和二年此臣之未解一也注解讀曰解言未敢懈
怠陳景雲曰未解猶言未曉注言未敢懈怠非也
晉咸和三年詔論三吳吏士注漢置吳郡吳分吳郡置
吳興郡晉又分吳興丹陽置義興郡是爲三吳酈道
元曰世謂吳郡吳興會稽爲三吳杜佑曰晉宋之間
以吳郡吳興丹陽爲三吳按下文云三吳之豪請

都會稽則會稽爲三吳之一審矣鄴說是也范成大
吳郡志云三吳之說世未有定論十道四番志以吳
郡及丹陽吳興爲三吳又以義興吳興及吳爲三吳
郡國志謂吳興義興吳郡爲三吳又云丹陽亦曰三
吳元和郡國圖志亦曰與吳興丹陽爲三吳酈元注
水經云永建中分浙江爲吳東爲會稽後分爲三
號三吳吳興吳郡會稽其一焉按晉書成帝咸和三
年蘇峻反吳興太守虞潭與庾冰王舒等起義兵于
三吳時冰爲吳郡太守舒爲會稽太守是時吳會稽皆爲王國冰
爲吳內史舒則是吳郡吳興會稽爲三吳又孫恩攻
爲會稽內史

陷會稽劉牢之遣將桓寶率師救三吳陶回爲吳興
太守時大饑穀貴三吳尤甚回聞倉賑之不待詔及
剖府庫軍資以救乏絕一境獲全詔會稽吳郡依回
賑恤據此則吳郡與吳興會稽三部爲三吳甚明又
虞渾傳蘇峻反譚爲吳興太守詔加譚督三吳晉陵
宣城義興五郡事又寧康二年太后詔曰三吳與壤
水旱併臻宜時拯卹三吳義興晉陵及會稽遭水之
縣全除一年租據此兩處則義興固在三吳之外而
太后之詔會稽亦復在三吳之外豈一時稱謂未有
一定之說抑史又自有詳簡差互邪或云虞渾所督

三吳晉陵宣城義興計六郡而稱五郡渾自爲吳興
太守矣增督五郡蓋丹陽其一也又以太后詔攷之
則會稽決不在三吳之數恒寶救三吳者以孫恩既
陷會稽遂逼吳中故云今當以十道四蕃志及郡國
志別說爲正

以上皆
范氏說

予謂石湖以吳郡吳興會稽爲

三吳其說旣信而有徵矣而不能堅持其說者泥於
三吳必三郡耳予請以一言解之曰三秦之名始于
雍塞翟三國後之言三秦者不止三郡也三齊之名
始于齊濟北膠東三國後之言三齊者亦不止三郡
也三吳之稱晉以後始有之其實卽西漢會稽一郡

之地漢人多稱吳會者其時未有吳興也孫吳始立吳興郡而吳遂分爲三厥後會稽又分爲臨海永嘉東陽等郡吳郡又分爲晉陵義興諸郡要皆以三吳該之通鑑晉安帝卽位以來內外乖異石頭以南皆爲荆江所據以西皆豫州所專京口及江北皆劉牢之及廣陵相高雅之所制朝政所行惟三吳而已及孫恩作亂八郡皆爲恩有八郡者吳郡吳興義興會稽臨海永嘉東陽新安也然則三吳可以該八郡矣宋書吳喜傳明帝詔曰泰始初東討正有三百人直造三吳凡再經薄戰而自破岡以東至海十郡無不

清蕩百姓聞吳河東來便望風自退若非積取三吳
人情何以得弭伏如此然則三吳非可以該十郡矣
十郡者於前八郡外增晉陵南東海也若丹陽則斷
不在三吳之數何也丹陽漢舊郡非吳會稽所分典
午南遷丹陽遂爲京邑杜佑謂晉宋之間以丹陽爲
三吳之一於史實無正文卽以虞潭傳言之潭爲外
郡太守豈得侵京尹之權乎自唐以來丹陽徙治曲
阿於晉爲晉陵郡地在漢則吳郡地也以丹陽爲三
吳之地乃唐以後之丹陽非晉宋之丹陽也通鑑梁
太清三年侯景將宋子仙攻會稽東揚州刺史南郡

王大連棄城走於是三吳盡沒于景則會稽爲三吳之一又何疑焉

立大業曲阿虔亭三壘注丁度曰虔亭在吳興陳景雲曰是時諸軍築白石壘在臺城西又立大業三壘以分賊勢何事遠築壘于吳興乎唐武德三年李子通攻沈法興取京口法興遣兵拒戰于虔亭胡注以虔亭在毗陵西北彼注是也元和郡縣志虔亭在丹陽縣東四十里

四年都督豫州揚州之江西宣城諸軍事豫州刺史注豫州揚州之江西淮南廬江弋陽安豐歷陽等郡也

按是時豫州僑治蕪湖而兼督揚州之淮南歷陽
廬江諸郡所謂揚州之江西也庾亮旣爲豫州刺史
則豫州諸郡自在所督之內何庸更舉耶史凡言某
州之某郡者非其所領又不全督彼州故別而出之
胡氏於此都未了了

咸康八年以何充爲驃騎將軍都督徐州揚州之晉陵
諸軍事領徐州刺史鎮京口注徐州實郡在江北者
實有廣陵堂邑鍾離三郡而揚州之境以晉陵郡屬
徐州故云都督徐州揚州之晉陵諸軍事也 按是
時徐州僑治京口爲晉陵之丹徒縣地故刺史兼督

晉陵一郡非卽以晉陵屬徐州也揚州之晉陵與上
徐州不相屬胡氏誤連讀耳

建元元年以庾冰都督荆江寧益梁交廣七州豫州之
四郡諸軍事領江州刺史注豫州四郡宣城歷陽廬
江安豐也按豫州四郡謂汝南西陽新蔡潁川也
南渡以後僑立豫州諸郡於江淮之間常以江州刺
史督之若宣城歷陽廬江乃揚州所屬南渡常以豫
州刺史鎮合肥或鎮歷陽故兼督歷陽廬江諸郡或
移鎮蕪湖則并督宣城郡要非豫州實土注以當豫
州四郡誤矣

二年褚裒上疏固請居藩改授都督徐兗青三州揚州之二郡諸軍事徐兗二州刺史注揚州之二郡晉陵義興也按晉書裒傳云揚州之晉陵吳國此云二郡者省文也南渡初以吳郡海虞縣北境爲東海郡故徐州刺史兼督吳郡永和以後東海移治京口領徐州者唯督晉陵不更督吳郡矣注以義興當二郡之一蓋失之

升平五年桓溫以其弟豁都督沔中七郡諸軍事兼新野義城二郡太守注沔中七郡魏興新城上庸襄陽義成竟陵江夏也按晉書桓豁傳不載七郡之名

而桓沖傳云遷督荊州之南陽襄陽新野義陽順陽
雍州之京兆揚州之義成七郡軍事義成新野二郡
太守鎮襄陽沖豁相繼當此任則沔中七郡之名當
以沖傳爲據胡氏以意揣之殊非其實義城當作義
成

興寧元年司馬綸騫注綸姓也姓譜曰魏志孫文端臣
綸直 陳景雲曰孫文端當作公孫文懿卽公孫淵
也唐人撰姓譜避諱故舉其字綸直事見晉書宣帝
紀魏志無之

年以右將軍桓豁監荊州揚州之義城雍州之京兆

諸軍事領荊州刺史注桓宣從淮南鎮襄陽陶侃
其淮南部曲置義成郡于穀城蓋有揚州之民而又
置揚州僑縣于穀城穀城荊州統內之地也故曰荆
州揚州之義成予謂注說非也桓豁領荊州刺史
則荊州所統諸郡皆在所監之內義成京兆二郡僑
治荊州境非荊州所屬故又別而出之如注所言是
豁止領兩郡耳豈復成荊州刺史乎當於荊州句絕
揚州之義城別自爲句凡刺史都督宅州之郡皆宜
如此讀胡氏未審句讀故有此失

太和四年注晉都建康以京口爲北府歷陽爲西府姑

孰爲南州 按北府西府本無定所特就當時軍府之號稱之徐兗二州都督多帶北中郎將或平北安北將軍故稱北府晉書食貨志荀羨爲北府都督鎮下邳是不獨京口稱北府也豫州都督多帶西中郎將或安西鎮西將軍故稱西府桓溫傳詔以西府經袁真事故軍用不足給世子熙布三萬匹米六萬斛其時豫州治壽春劉毅傳西府二局文武盈萬其時豫州治姑孰是不獨歷陽稱西府也王敦桓元皆以揚州牧鎮姑孰故姑孰有南州之稱

咸安元年遣東海內史周少孫注元帝割吳郡海虞縣

北境爲東海郡 按宋書州郡志元帝初割吳郡海虞縣之北境爲東海郡至穆帝永和中郡移出京口咸安收元在永和之後其時東海郡治京口非海虞北境矣注誤

隆安三年乃加元都督荊州四郡軍事注荊州四郡謂長沙衡陽湘東零陵也 是時桓元爲江州刺史其加督四郡當是江夏竟陵隨義陽也以何無忌傳注推校得之 說未審所據

元興元年以尙書令元顯爲驃騎大將軍征討大都督都督十八州諸軍事注時晉之境內有揚徐南徐

南兖豫南豫青冀司荆江雍梁益寧交廣十八州而
已元顯盡督之按十八州史無正文胡氏以意度
之然兖豫之分始於宋代徐州之分亦在元興以後
宋書州郡志云義熙七年始分淮北爲北徐淮南猶
爲徐州是東晉之世不但無南兖南豫并無南徐之
名也唐人修晉史者不諳地理誤仍宋志追稱以爲
晉制固然因於地理志中輒有南兖南豫南徐名目
試檢紀傳南渡百有餘年除刺史者一一可稽曾有
徐南兖南豫南徐者乎胡氏此注亦承晉志之誤今
改正當以唐并索足十八州之數

義熙元年遣劉裕詣智粽注流智子肉白滑蜜煮爲
味辛粽角黍也 陳景雲曰案宋廢帝殺江夏王
恭以蜜漬目睛謂之鬼目粽則非角黍也

二年以何無忌爲都督荆江豫三州八郡軍事江州判
史注八郡蓋荊州之武昌江州之尋陽豫章廬陵臨
川鄱陽南康豫州之晉熙 按注說非也以晉書本
傳攷之蓋謂荊州之江夏隨義陽綏安豫州之西陽
新蔡汝南潁川耳尋陽等郡元在江州管內不須更
舉且江州所領亦不止此六郡也以史例言之當云
都督江州荊州四郡豫州四郡軍事方爲得之溫公

所書亦未核

五年禿髮傷檀以世子武臺爲太子注武臺本名虎臺
唐人修晉書避諱改虎爲武通鑑因之按通鑑第
百六十卷稱虎臺者十二第百十九卷稱虎臺者五
俱不作武字蓋溫公雜采它書前後有駁文注家不
能舉正也

加劉裕北青冀二州刺史注晉氏南渡立南青冀二州
於淮南北青冀二州於齊境按南渡僞立青冀二
州不加南字至是裕兵已入齊地故立北青冀二州
以別於僞立之州耳注稱南青者亦承晉志之誤

九年乙卯遣劉絜等屯西河注按乙亥至丙子幾四十
日 陳景雲曰丙子乃乙卯之誤

十年以江州刺史孟懷玉兼督豫州六郡注豫州六郡
宣城襄城淮南廬江安豐歷陽也 按注說非也宋
書孟懷玉傳義熙八年遷江州刺史尋督江州豫州
之西陽新蔡汝南潁川司州之松滋六郡諸軍事先
是何無忌都督江州請增督司州之恒農揚州之松
滋兩郡合豫州四郡故云六郡懷玉傳本云六郡今
數之止有五蓋脫恒農一郡也此六郡不皆屬豫州
而通鑑稱豫州六郡已失其實胡氏輒以宣城等郡

當之益誤矣

十一年加太尉裕都督南秦州凡都督二十二州注三
十二州徐南徐豫南豫兖南兖青冀幽并司鄧荆江
湘雍梁益寧交廣南秦也 按是時無南豫南兖亦
無鄧州當以揚北冀北青足二十二州之數又其時
有北徐州無南徐州南徐州但稱徐州注所舉皆誤也

十三年魏置南雍州以寇讚爲刺史封河南公治洛陽
按是時洛陽屬晉非讚所得治讚治洛陽當在劉
宋景平元年失河南以後通鑑因讚事而連類及之
耳

元熙元年以下康爲河東太守遣兵救之平等皆散走
注詳攷上文未知平等爲何人 按宋書王鎮惡傳
康保金墉城有一人邵平等率部曲屯城南迎亡命司
馬文榮爲主又有亡命司馬道泰屯城西亡命司馬
順明屯陵雲臺順明遣刺殺文榮平等復推順明爲主
則此文云平等者邵平等也溫公刊脩前旣去邵平等而
於此猶存平等字宜胡氏之致疑也惜其不能引沈
約史以證之耳

宋元嘉七年今茲害氣在揚州一也庚午自刑先發者
傷二也注揚州於辰在丑而是歲在午丑爲金庫午

爲火旺以火害金故害氣在揚州庚金也午火也以
火尅金故爲自刑 予謂丑與午子與未亥與申寅
與巳卯與辰戌與酉術家謂之六害故云害氣翼氏
風角曰木落歸木水流歸木金剛火強各守其方故
辰午酉亥爲自刑太歲在午午爲自刑非取相克之
義注皆誤

十三年唯宥其孫孺注唯宥諸孫之在童孺者 陳景
雲曰按宋書檀孺乃道濟少子邕之子蓋盡誅諸子
唯宥一孫

十七年敕西州道上不得有車聲注宋自曰漢武帝元

封二年改鄣郡爲丹陽郡置揚州刺史理秣陵西州
橋冶城之間是其理處劉繇爲揚州刺史始移理曲
阿孫策號此爲西州 陳景雲曰漢揚州刺史理壽
春晉武平吳始移秣陵非漢武也劉繇刺揚州在後
漢獻帝初時壽春已爲袁術所據故渡江駐曲阿非
自秣陵移理也謂西州之號始于孫策於史亦無所
見大昕按月陽記揚州廨乃王敦所創有東南西三
門俗謂之西州又云會稽王道子領揚州第在州東
故時人號爲東府而號府廨曰西州西州城旣爲王
敦所創則謂其號始于孫策者非矣

泰始二年汝南新蔡二郡太守周玠生汝南郡時治縣
瓠宋以新蔡郡帖治汝南故周玠領二郡太守自是
二郡太守多矣 按晉南渡後桓沖桓豁竝領新野
義成二郡太守則東晉已有之

三年魏東徐州刺史成固公戊圉城注魏收地形志魏
置南青州於圉城圉城當在唐沂州沂水縣界圉戶
困翻 按今本魏志南青州治圉城圉當爲圉字之
譌魏書劉休賓傳東徐州刺史張儼所戊圉城領二
郡而已尉元傳劉彧東徐州刺史張儼據圉城通鑑
於是年書清河張儼守圉城次年唐尉元遣使說東

徐州刺史張繡以團城降魏東徐州後爲南青州
則團城卽團城之譌審矣胡氏未知團城卽團城故
各自爲解其實一地也太平寰宇記沂州縣理城本
漢東莞縣城也南燕于此置團城鎮去東安郡三十
里城隍團因名團城隋開皇十六年於此置沂水縣
是團城在今沂水縣卽漢東莞縣也據通鑑魏得東
徐州在後一年而是年已有東徐州刺史成固公遣
兵襲朐山事似不相應蓋溫公因書蕭道成鎮淮陰
收養豪俊而及垣崇祖守朐山事非卽在此歲也

元徽四年景素欲斷竹里以拒臺軍

按太平寰宇記

句容縣有竹里山

齊永明二年衛軍東閤祭酒蕭衍注自晉以來公府屬長史之下有東西閤祭酒按漢許慎爲太尉南閤祭酒不獨東西閤也

於六鎮之北築長城注六鎮今武川撫冥懷朔懷荒宋元禦夷也按魏書李崇傳稱上表求改鎮爲州又言臣以六鎮幽垂與賊接對州名差重于鎮謂實可悅彼心又酈道元傳云肅宗以沃野懷朔薄骨律武川撫冥柔元懷荒禦夷諸鎮並改爲州其郡縣戍名令準古城邑詔道元持節與都督李崇等宜置立裁

減去留則當時名爲六鎮實不止六矣通鑑注卷一百四十七引宋自云太和十年改薄骨律鎮爲沃野鎮據道元傳沃野與薄骨律並舉宋自何據鎮名有薄骨律無柔元與此注異

四年魏分置三十八州十三在河北注蕭子顯曰相汾懷并東雍肆定瀛朔并冀幽平司等十三州在河北按南齊書有秦州無汾州胡氏所見本或與今異注又重出并字

建武元年魏詔荆郢東荆三州禁勒蠻民法魏初置荆州于上洛太和中徙治襄州舊郢州于真陽真陽漢汝南郡之慎陽縣也置東荆州于泚陽按是時魏

未得南陽荊州移治魯陽非穰城也據魏書地形志
南安郡太和十三年置郢州十八年即齊建武元年改為南
中府南安即今葉縣地此詔所舉郢州正指此若真
陽之郢州乃孝昌中所置其時義陽已失魏正始元年始得義
陽置為因僞置豫州境非此詔之郢州也又太和十
八年置東郢州于汝陰治社亭城

通鑑注辯正卷二

嘉定錢大昕

梁天監元年前戶侍郎劉勰左戶當作左民唐人避

諱追改溫公未及釐正

天監十八年魏左民郎中張始均此則當時本稱

四年注省巴州見武帝永明二年二當作元

五年桓和擊魏南青州注魏顯祖取三齊置東徐州于

圉城圉城當作團城詳見前

九年法曹參軍蕭軌兼左右戶都戶當作民

十年梁之境内有州二十三注此據五代史志按蕭子

顯志齊有揚南徐豫兖南兖北徐青冀江廣交越荆

巴郢司雍梁秦益寧湘南豫二十三州時已廢巴州
當以王茂所立宛州足之 按王茂所立宛州旋即
棄而不有不常在二十三州之數且齊末裴叔業以
壽陽入魏因以南豫爲豫州則兩豫已失其一實止
二十一州耳此二十三州當以五代百官志所載州
名爲定謂揚南徐荆江雍郢南兖湘豫司益廣青衡
北徐北兖梁南梁交越桂寧霍也衡桂霍三州皆天
監六年所置南梁州則八年所置其餘皆仍齊之舊
冀與青同治秦與梁同治又僑寓無實土故不在此
數注家以意揣度恐致疑誤後學故特正之

十一年魏以桓叔興爲南荊州刺史治安昌注漢南陽郡有安昌侯國晉泰始中割南陽四縣置義陽郡治安昌城後義陽移治石城山上因梁希侵逼徙治仁順城而安昌則俗謂之白茅城 按魏志無南荊州隋志春陵郡後魏置南荊州西魏改曰昌州又云春陵縣舊置安昌郡開皇初郡廢春陵故城在今襄陽府棗陽縣南則非義陽之安昌矣

晉通六年大將萬俟醜奴注萬當作万音莫北翻 按廣韻訓万爲十千而漢碑亦有以万當萬字者則万萬本一字矣其讀如墨者卽萬聲之轉北人聲急往

往讀去爲入

如冒頓此轉入聲之類

胡氏疑萬無入聲因破字

以就韻所謂夏蟲難以語冰也

今革作大小寺碑攷異曰南史作丈八寺碑今從梁書
按六朝好倣佛而魏齊尤其予所見石刻多有稱
丈八佛像者則當以丈八爲正今本梁書江革傳亦
是丈八字溫公所據者乃誤本而注家亦未能舉正
也

中大通元年袁昂爲吳郡不降

陳景雲曰吳郡當作

吳興

四年別將斛律敦

卽斛律金之初名也前後皆書金

此獨書敦由雜采諸書不能一一更正耳

大同九年魏南郢州刺史耿令貴注魏收志梁置南郢
州治赤石關領定城光城邊城郡五代志光州定城
縣後齊置南郢州非西魏境也耿令貴亦遙領刺史
耳 按魏收地形志有兩南郢州注所舉治赤石關
者在志第二卷本蕭梁所置侯景之亂始入東魏此
時梁方全盛不但非西魏境卽東魏亦無此州也志
第三卷別有南郢州領北遂安馮翊江夏香山永安
新平宜民諸郡雖未詳建立之年然肅宗時韋肅已
爲荆郢和羅大使南郢州刺史賀拔勝都督三荆二

郢亦謂郢與南郢也今貴爲南郢州刺史亦必此州
矣又攷周書本紀魏廢帝三年改南郢爲歸州周武
帝天和二年省歸州入唐州則南郢正是西魏境其
地當在今隨州西北也

十一年號曰蠕蠕公主注魏明元帝命柔然曰蠕蠕謂
其蠕動無知識也阿那瓌曰蠕蠕王雖曰以爲國號
猶鄙賤之也至高歡納其女號曰蠕蠕公主則徑以
爲國號不復以爲鄙賤矣按柔然北方之國不通
中華文字史家據譯音書之或稱茹茹或稱芮芮其
實卽柔然二字之轉也

柔然茹芮同屬曰明元易茹爲蠕不

過借同音字寓崇鄙之意元非改其國號北史后妃傳中或稱蠕蠕公主或稱茹茹公主猶言柔然公主云爾通鑑於紀事例稱柔然而述魏人之詞則口蠕蠕至如阿那瓌之封王其女之稱公主亦當從紀事之例偶沿舊史元文不及畫一刊改注家未通譯語又從爲之辭殊多事矣

太清二年武州刺史蕭弄璋注武陵郡梁置武州按隋志下邳縣梁曰歸政置武州下邳郡非武陵之武州也注誤

二年景乞割江右四州之地注江右四州南豫西豫合

州光州

按下文云景以夏侯譚爲豫州刺史董紹

先爲東徐州刺史徐思玉爲北徐州刺史又啟云高

澄已得壽陽鍾離臣無所投足則所割江右四州當

是豫合東徐北徐也是時懸瓠已失壽陽仍爲豫州

東徐州治宿豫北徐州治鍾離合州卽合肥也

大寶元年立皇子大圜爲樂梁王注樂梁史無所攷

按隋志始安郡富川縣舊置臨賀樂梁二郡平陳並
廢此卽大圜所封注以爲史無所攷者失之

永聖元年景下海欲向蒙山注魏收志東安郡新泰縣
有蒙山景欲浮海趨山東復入北也 按新泰之蒙

山不在海濱恐別有一蒙山

陳太建四年突厥宅鉢謂其下曰但使我在南兩兒常孝何憂於貧注在南兩兒謂爾伏步離二人所部皆南近中國按在南兩兒指周齊二國蓋嫚語也注誤

五年趙彥深私問計於源文宗曰吳賊侏張遂至於此注侏舊音張流翻蓋因書講張爲幻爾雅講作俯這有此音按類篇侏音張流切其義華也書所謂俯張其義誕也以文理求之皆於此不近姑闕之以待知者按揚雄國三老箴云負乘覆餗姦寇侏張宋書

蓋吳表獬狁侏張侵暴中國魏書趙脩傳擅威弄勢
侏張不已烏夷傳桓元侏張侏張與鴟張意相似惠
仲孺曰侏張猶張大也周禮甸祝禴牲禴馬鄭康成
讀禴爲侏大也太元曰修侏侏比于朱儒侏侏長大
貌言雖長大與朱儒等也

五月陽平郡降注以地形志攷之梁置淮州治淮陰城
其屬有陽平郡治陽平城其地當在淮陰城西按
下文九月陽平城降注引五代志安宜縣梁置陽平
郡安宜今寶應縣與淮陰不遠實一地也

齊主游南苑從官賜歾者六十人注史言齊主淫刑以

逞 按北齊書賜作賜說文賜傷暑也齊主以六月
出游故從官多中暑而次者通鑑作賜乃傳寫之譌
注家不能校正譏其淫朋以逞謬矣

吳明徹進攻仁州注地形志梁置仁州治赤坎城蓋在
山陽縣界 按地形志之仁州領臨淮一郡郡領已
吾義城二縣以隋志攷之蓋隋彭城郡穀陽縣地與
山陽界殊遠注殆誤矣然是時明徹方由秦郡進趨
壽陽豈能遽抵其地或史有譌字 太平寰宇記赤坎
故城在虹縣西南
一百九
十五里

周炅克巴州淮北絳城及穀陽士民並殺其戍主以城

降注絳城蓋虹縣城音同而字異耳五代志彭城郡
穀陽縣後齊置穀陽郡 按此注似是而非蓋此文
承周炁克巴州之下後齊之巴州今黃岡縣也與淮
北遠不相及據炁傳本作江北諸城而宣帝紀作淮
北絳城明是譌字穀陽蓋亦江北之地胡氏乃引彭
城之穀陽以傳會之非其實矣

九月陽平城降注五代志江都縣安宜郡梁置陽平郡
按上書陽平郡此書陽平城胡氏前引魏志後引
隋志欲析而二之其實無可析也攷魏志楚州所領
有陽平郡領陽平濮陽二縣東魏之楚州治鍾離城

或前所書者安宜之陽平後所書者鍾離之陽平乎
前郢陽內史魯天念克黃城注地形志譙州下蔡郡有
黃城縣按東魏置譙州於渦陽則黃城亦其屬縣也
蓋下蔡在淮北而黃城在壽陽西按注說非也攷
陳本紀黃城旣降之後詔以黃城爲司州治下爲安
昌郡又立漢陽義陽二郡竝屬司州則黃城當亦齊
之重鎮隋志黃陂縣後齊置南司州後周改曰黃州
又有安昌郡則黃城卽黃陂城因後齊嘗置南司州
故陳亦仍司州之名也漢陽郡蓋卽後齊所置產州
義陽郡則隋木蘭縣地若下蔡之黃城與漢陽義陽

又何與乎周書杞國公亮傳大象初與韋孝寬等伐
陳亮自安陸道攻拔黃城可證黃城卽黃陂城非淮
口之黃城也當時北征元有兩路吳明徹大軍由壽
陽趨彭沛而入周吳魯天念輩別取江北靳黃之地
注家於此未甚分曉

六年齊主使嬖臣斫骨光弁至州注斫骨虜復姓一按
廣韻漢複姓有斫胥氏何氏姓苑云今平陽人注以
爲虜姓誤也骨當爲胥之譌

十一年南北克晉三州注五代志不載北克州所治
按宋明帝失淮北因以淮陰爲克州治齊梁皆因之

之鍾愧然有音恐人聞之而奪已遽掩其耳以爲
鄙語未之攷耳宋時有掩耳偷鈴之諺見能收齊漫
錄

己巳康鞘利北還 陳景雲曰按攷異是年七月己酉
朔則六月乃己卯朔其月無己巳此定有誤注未之
及

唐武德元年李密送所獲雄武郎將于洪建皇泰上命
戮于左掖門外 陳景雲曰于洪建疑卽于洪達洪
達縊煬帝見攷異所引蒲山公傳及河洛記皇泰主
加以慘戮蓋正其弑逆之罪也但建達互異當有一

誤

大昕按隋書宇文化及傳其將軍于宏達爲李密所擒送於侗所獲京之李密傳遺記室參軍李儉

朝於東都執殺煬帝人于宏達以獻越王侗據此當以達爲正宏又作洪疑唐人避孝敬皇帝諱易之

二年竇建德執逆黨宇文智及孟景 陳景雲曰上年

宇文化及謀逆有鷹揚郎將孟秉同謀景即秉字因

避廟諱嫌名易之 隋書作孟秉

四年靺鞨渠帥注靺音末靺音易 按金史靺鞨本號

勿吉勿吉古肅慎地也元魏時勿吉有七部隋稱靺

鞨然則靺當讀若揭不當爲易音也古音勿如末

貞觀六年遣鴻臚少卿劉善因立咄陸爲奚利邲咄陸

可汗注咄陸即阿史那彌射此當參觀高宗顯慶二

年考異而詳辨之 按咄陸本名泥孰泥孰與彌射
非一人溫公攷異已疑之今反覆參攷則當時所立
者實泥孰也泥孰以受冊之明年卒而彌射入唐以
後累立戰功歿于高宗之世其非一人審矣彌射傳
雖有貞觀中遣劉善因立爲可汗之文意者立爲小
可汗而非大可汗乎且彌射與步真爭立彌射入朝
而步真自立爲咄陸葉護則或彌射當日亦但爲葉
護而非可汗乎金石錄有阿史那彌射碑今已不傳
無從決其然否要之此咄陸必非彌射也

十七年上命圖畫功臣于凌煙閣有譙襄公柴紹注柴

紹當作許紹 按唐史許紹柴紹俱封譙國公許紹傳不載其謚而柴紹傳云謚曰襄是通鑑不誤而注誤也又新唐書李愬傳末列武德以來功臣姓名首載凌煙閣圖畫諸人惟張亮侯君集以罪誅不預內有右驍衛大將軍駙馬都尉譙國公柴紹而無許紹名則通鑑之非誤審矣文苑英華載呂溫凌煙閣勳臣頌却有許譙公紹注蓋据此而不知唐人固已傳聞異辭溫公所据者正史也

二十一年命修終南山太和廢宮爲翠微宮注楊太年曰翠微宮在驪山絕頂 陳景雲曰史明言修終南

山之宮而云驪山絕頂非也注未辨其誤而采之大
昕按唐書地理志長安縣南五十里太和谷有太和
宮武德八年置貞觀十年廢二十一年復置曰翠微
宮注不能引而妄引楊大年之說驪山宮初無翠微
之名也

顯慶二年以彌射步真爲流沙安撫大使注彌射爲咄
陸可汗唐所册也步真爲咄陸葉護自稱也咄陸之
號雖同而可汗葉護之尊卑有異不必泥咄陸之號
而傳疑而彌射步真實二人也按溫公攷異未嘗
疑彌射步真爲一人其云咄陸卽泥孰也胡氏似誤

會

龍朔三年注漢高帝爲太上皇營新豐後人誌其事其
辭云渾雞犬而亂放各識家而競入 此潘岳西征
賦之文胡偶失憶耳

垂拱四年堂邑董元寂注堂邑漢縣 陳景雲曰博州
之堂邑隋代始置非漢縣也漢之堂邑乃今之六合
耳此承後漢書注及通典之誤大昕按至德二年梁
貞明元年注引宋白云堂邑縣本漢清縣發干二縣
地此說得之

大授二年廢唐興寧永康隱陵署官注元帝陵曰興寧

景帝陵曰永康 按注不言隱陵爲何人之陵按
書儒學傳云隱章懷懿德節愍四太子並建陵廟分
入署置官列吏卒又唐六典云隱章懷懿德節愍惠
莊惠文惠宣七太子陵署各令一人丞一人掌陵園
守衛乃知隱陵者隱太子建成之陵太子陵不別立
名以謚爲陵名也

天寶十二載斥候府果毅段秀實注新書作隴州大堆
府果毅此從舊書 按地理志無斥候府之名蓋轉
寫之譌當以新史爲正

至德元載置淮南節度使領廣陵等十二郡注淮南節

度使領揚州廣陵郡楚州山陽郡滁州全椒郡和州
歷陽郡壽州淮南郡廬州合肥郡舒州同安郡光州
弋陽郡蘄州蘄春郡安州安陸郡黃州齊安郡申州
義陽郡沔州漢陽郡凡十二 按自廣陵至漢陽凡
十三郡注云十二者誤也方鎮表亦云十二州益轉
寫之譌當爲十三未幾以光州隸淮西則所領祇十
二州矣

上元元年十月置青沂等五州節度使注攷通鑑所書
乾元二年四月以尙衡爲青密節度使上元二年四
月青密節度使尙衡破史朝義兵如此則是年尙衡

尙鎮青密安得又置青沂等州節度使邪 按青沂
之青當作淄舊唐書肅宗紀上元元年十月殷仲卿
爲淄州刺史淄沂滄德棣等州節度使卽通鑑所稱
淄沂五州也方鎮表上元二年置淄沂節度使領淄
沂滄德棣五州與舊紀正同惟年月小異耳尙衡所
領者青密登萊四州殷仲卿所領者淄沂五州注家
不悟青爲淄字之譌故疑其參錯不同耳

劉展軍于白沙 注不言白沙所在按陸游入蜀記真
州本唐揚州揚子縣之白沙鎮楊溥有淮南徐溫自
金陵來覲溥于白沙因收曰迎鑾鎮則白沙卽今儀

徵縣也

大歷二年鄙諺有之不癡不聾不作家翁注史炤曰鄙諺俚俗所傳之言也 吳曾曰案慎子曰不聰不明不能爲王不癡不聾不能爲翁乃知此語久矣北史長孫平傳引諺云不癡不聾不作大家翁南史庾仲文傳亦云不癡不聾不成姑公

十四年置于翰林爲學士注翰林故事曰凡學士無定員下自校書郎上及諸曹尙書皆爲之入院一歲則遷知制誥未知制誥者不作文書 按此注云學士無定員而天寶十三載注又云如中書舍人例置學

士六人內擇年深德重者一人爲承旨則非無定員矣白居易詩亦有同時六學士之句

建中二年以李芑爲河陽懷州節度使割東畿五縣隸焉注芑居包翻五縣河陽河清濟源溫王屋按以唐書地理志攷之五縣之中當有汜水無王屋李芑傳亦云以東畿汜水等五縣隸屬則注說誤也唐書音義芑符中切此云居包翻攷芑芑二字形聲俱別如讀符中切當从凡如讀居包切當从九李芑字茂初則符中之音爲是

開成三年如京使王少華等注唐置如京使以武臣爲

之內職也未知所職何事 按宋史王旦謂唐設內
諸司使悉擬尙書省如京倉部也莊宅屯田也皇城
司門也禮賓主客也然則如京使乃掌倉庾之官取
詩如坻如京之義

大中二年臣庶之家遷徙不常故有自陽宅入陰宅陰
宅入陽宅 注不言陽宅陰宅之說今相宅書以坎
離震巽爲東四宅艮坤乾兌爲西四宅視人年命爲
吉凶意卽陰陽宅之說乎

十年但鄭光滯我不置注此實言牽于母黨之愛 注
不及滯字義按廣韻滯極困也

十二年蔣伸起上留之曰異日不復得獨對卿矣注次
對官獨對宰相皆同入對按是時蔣伸以兵部侍
郎充翰林學士承旨故常獨對宰相或二三人或三
四人皆同班奏事故不得獨對注以次對官當之非
是唐宋以待制爲次對官伸未嘗爲待制也元微之
上院記舊制學士無以承旨爲名者憲宗以承旨學
年卽位始命鄭公細爲承旨學士位在諸學士上凡
大誥令大廢置丞相之密畫內外之密奏上之所甚
注意者莫不專受專對它人無得而參正謂此也
咸通四年置天雄軍於秦州注代宗姑息田承嗣以天
雄軍號寵魏博尋以其悖傲削之今復於秦州置天
雄軍至于唐末魏博復天雄軍號秦州不復號天雄

矣 按通鑑廣德二年魏博節度使田承嗣奏名所
管曰天雄軍從之新唐書田承嗣傳亦有寵其軍曰
天雄之文而舊史紀傳新史方鎮表皆不載疑本無
此事也注云以悖傲削軍號亦以意度之初無所據
恒冀屢拒王命未聞削其成德之號何獨于魏博削
之且使果有天雄軍號則既削之後早當請復何待
天祐元年始賜號乎蓋秦州置天雄軍在魏州天雄
軍之前而承嗣在魏博時未有軍號也通鑑于咸通
九年書前天雄節度使何全皞亦誤全皞爲魏博節
度時未有天雄之號且係見任不當有前字

十三年振武節度使李國昌恃功恣橫專殺長吏朝廷
不能平徙國昌爲大同軍防禦使國昌稱疾不赴注
史言沙陀跋扈不待殺段文楚而後動於惡按舊
史懿宗紀李克用殺段文楚自稱防禦留後卽在是
年十二月通鑑據唐末三朝見聞錄以爲乾符五年
事故注有此言今反覆參攷克用之殺文楚當在是
年十二月而國昌移鎮大同之日必在文楚被害之
後蓋文楚旣歿軍中請克用爲留後朝廷不許乃除
盧簡方爲大同軍防禦使且諭國昌令其子束手待
朝廷除人旣而克用不奉詔乃除簡方振武節度使

而移國昌大同欲使制克用也通鑑於是年書徙國昌大同防禦使又于乾符五年四月書以國昌爲大同節度使蓋誤以一事爲兩事而國昌徙鎮之命亦當在咸通十四年非十三年也

乾寧二年己丑克用進軍渭橋 按上文書七月丙辰朔己丑距丙辰三十三日不得同在一月按目錄是歲八月乙酉朔則己丑乃月之五日也己丑上當有八月二字注未及舉正

天復二年汴軍圍晉陽營于晉祠注晉陽有晉王祠

按元和郡縣志晉祠一名王祠周唐叔虞祠也在晉

陽縣西南十三里北史薛孝通曾與諸人同詣晉祠
皆屈郭盡禮孝通獨捧手不拜曰此乃諸侯之國去
吾何遠周府元龜唐貞觀二十年正月幸晉祠

天祐三年以朱全忠爲鹽鐵度支戶部三司都制置使
三司之名始於此按唐自中葉以後軍興急於財
賦戶部度支本尙書二十四司中之兩司往往以大
臣判之而諸道鹽鐵轉運使亦以貴臣兼領之昭宗
乾寧二年三宰相徐彥若領鹽鐵轉運使王搏判度
支崔昌遐判戶部天祐元年三宰相裴樞領鹽鐵轉
運使獨孤損判度支柳璨判戶部哀帝天祐二年三

宰相柳璨領鹽鐵轉運使張文蔚判度支楊涉判戶部是也至是而財賦三司悉歸全忠又加以都制置之名則增減輕重可任意行之矣注未詳三司建立之始故及之

後梁開平元年是時惟河東鳳翔淮南稱天祐西川稱天復年號注天復四年梁王勣昭宗遷洛改元天祐河東西川謂天祐非唐號不可稱仍稱天復五年是歲梁滅唐河東稱天祐四年西川仍稱天復按注文不及鳳翔今岐山縣法門寺有李茂貞重修塔廟碑叙事皆以天復紀年至二十年止而碑末乃書天

祐十九年然則後梁受禪之日鳳翔仍稱天復不稱
天祐也蓋鳳翔近於蜀而遠於晉故紀元亦與蜀同
及王建稱帝改元而鳳翔猶用天復之號久之晉日
盛強滅梁之形已成乃改稱天祐以自同於晉鳳翔
之稱天祐殆在後梁龍德以後亦不過一兩年耳龍德十九年即梁
龍德二年溫公未見石刻故所書未得其實

名其所居爲宮殿妻稱皇后注茂貞自爲岐王而妻稱
皇后妻之貴踰于其夫矣按皇后當作王后蓋取
戰國及漢初諸侯王妻稱后之例注說非是

貞明元年晉王以李存進爲天雄都巡按使攷異曰莊

宗實錄云爲軍城使存進傳云都部署莊宗列傳及薛史存進傳皆云天雄軍都巡按使今從之按呂夢奇撰存進神道碑本云天雄軍都部署巡檢使它書作巡按者卽巡檢之譌或稱都部署或稱都巡檢各從省文似異實同也

後唐同光二年進岐王爵爲秦王攷異曰茂貞攷封秦王薛史無的確年月實錄同光元年十一月已稱秦王茂貞遣使賀收復至二年稱秦王李茂貞可封秦王豈有秦王封秦王之理必是至是時始自岐王封秦王也按舊唐書景福元年以岐王李茂貞爲興

元尹山南西道節度等使二年十一月制以鳳翔節
度使李茂貞守中書令進封秦王則茂貞於唐昭宗
之世已由岐王進封秦王矣唐亡之後以地狹不敢
稱帝其稱秦王如故史云稱岐王者非也及莊宗滅
梁茂貞上牋猶以季父行自處儼然敵國之禮至是
始上表稱臣故因其舊封授之錫以冊命實錄上云
秦王者茂貞自稱下云秦王者莊宗所命於文義無
嫌溫公以意改之轉失其實注亦未能舉正也

大成元年存渥至晉陽李彥超不納走至風谷爲其下
所殺注風谷恐當作嵐谷唐長安三年分宜芳縣置

嵐谷縣屬嵐州 按風谷在太原縣西五里朱彛尊
曰攷北齊書段韶傳突厥從北結陣而前東距汾河
西被風谷又唐創業起居注煬帝於樓煩置宮因過
太原取龍山風谷則風谷之名著於載記久矣胡三
省謂風谷當作嵐谷諺云南人不識盤屋其類是歟
三年河南相公蔡謹好善注從厚時爲河南尹故稱之
爲河南相公 按當時稱相公者皆使相也從厚時
爲河南尹加同中書門下平章事故有相公之稱從
榮亦加平章事故下文亦稱相公也

後晉天福元年張敬達曰吾受明宗及今上厚恩注歐

史張敬達明宗時屢遷彰國大同節度使徙鎮武信
晉昌然明宗置武信軍於遂州尋爲孟知祥所陷敬
達未嘗往鎮晉得中國始收長安爲晉昌軍歐亦攷
之未詳也通鑑前書敬達自建雄節度代敬瑄建雄
軍晉州也歐史誤以爲晉昌耳不知武信緣何而誤
按舊五代史末帝紀清泰二年十一月以徐州節
度使張敬達爲晉州節度使張敬達傳亦云清泰中
自彭門移鎮平陽則武信當是武寧之譌武寧徐州
軍額也胡氏未見薛史故疑而未決

我令太相溫將五千騎注吐蕃契丹皆大太相 注當

有譌字相溫遼史亦作詳穩蓋其官名太當爲大也
攷異謂蕃名太相溫漢名高模翰溫公亦不知詳穩
爲契丹官名也

唐主登元武樓自焚注年五十一 按五代會要帝以

光啟元年正月二十三日生 是歲乙巳 清泰三年崩 丙申

年五十二注云五十一者誤也莊宗亦以光啟元年

生故有阿三與我同齒之語

四年康化節度使兼中書令楊琪注康化軍亦吳於統
內所置節鎮或南唐置之其地今無可攷 按康化
軍置於池州見徐騎省集

開運二年皇甫太師寂無音問注皇甫遇未必加官至太師也而安審琦以太師稱之蓋五季之亂官貴無常當時相稱謂不復論其品秩就人臣極品而稱之按五代之世制史檢校官有至太師者皇甫遇以使相而檢校官至太師固無足怪注說非也

三年趙在禮更歷十鎮注在禮起於鄴都徙義成不行後歷橫海泰寧匡國天平忠武武寧歸德晉昌凡十鎮按在禮未嘗領義成任注所據者歐史以薛史攷之則清泰中又嘗鎮山南東道併魏博爲十鎮也後漢乾祐二年徐州將成德欽敗唐兵于峒崙鎮注峒

達貢翻又從董翻 按峒當爲峒字之譌也古書本
作同吾後人增加山旁胡氏讀爲崆峒之峒非矣